

II - ARABAKO LURRALDE HISTORIKOAREN TOKI ADMINISTRAZIOA

BURGELUKO UDALA

Behin betiko onestea zerbitzu publikoengatik eta administrazio jarduerengatik ordaindu beharreko tasak arautzen dituen zerga ordenantza

Jendaurreko aldian ez denez erreklamaziorik aurkeztu zerbitzu publikoengatik eta administrazio jarduerengatik ordaindu beharreko tasak eta prezio publikoak arautzen dituen udal zerga ordenantza aldatzearen aurka (Udalbatzak 2019ko irailaren 27ko bilkuran hartu zuen erabaki hori), ordenantza behin betiko onetsita geratzen da.

Uztailaren 19ko 41/1989 Foru Arauak, Arabako toki ogasunak arautzen dituenak, 16.4 artikuluan xedatutakoaren ondorioetarako, eta bat etorritoki Araubidearen Oinarriak arautzen dituen apirilaren 2ko 7/1985 Legeak 70.2 artikuluan dioenarekin, ordenantzaren testu osoa argitaratzen da.

ZERBITZU PUBLIKOENGATIK ETA ADMINISTRAZIO JARDUERENGATIK ORDAINDU BEHARREKO TASAK ETA PREZIO PUBLIKOAK ARAUTZEN DITUEN ORDENANTZA

I. Xedapen orokorrak

1. artikulua

Arabako Lurralde Historikoko toki ogasunak arautzen dituen Foru Arauaren 20. eta 25. artikuluek, Konstituzio Auzitegiaren abenduaren 14ko 185/1995 Epaiak eta uztailaren 13ko 25/1998 Legeak xedatutakoarekin bat etorritik, Burgeluko Udalak ordenantza honen eranskinean ageri diren zerbitzuak eskaini eta jarduerak egiteagatik kobratu beharreko tasak ezarri eta exijitzen ditu, ordenantza honetan ezarritakoari jarraituz. Tasa horiek ere ordenantza honen zati dira.

2. artikulua

Ordenantza hau Burgeluko udalerri osoan ezarriko da.

II. Zerga egitatea

3. artikulua

1. Zerga egitatea da udal administrazioak subjektu pasiboari bereziki eragiten dion edo onura dakarion udal eskumeneko zerbitzuren bat eman edo administrazio jardueraren bat egitea, hala eskatu diotelako edo partikularren ekintzek edo omisioek zeharka eragin dutelako.

2. Zerbitzuak ematearen tasa ezarrita ere, horrek ez du esan nahi zerbitzu horiek ezartzeak edo gehitzeak sor litzakeen kontribuzio bereziak ordainarazi beharko ez direnik.

III. Subjektu pasiboa

4. artikulua

1. Subjektu pasiboak edo zergadunak dira Arabako Lurralde Historikoko Zergei buruzko Foru Arau Orokorrak 35. artikuluan aipatzen dituen pertsona fisiko zein juridikoak eta erakundeak, baldin eta zerbitzuak edo jarduerak eskatzen badituzte eta horien onuraz edo eraginaz gozatzen badute.

2. Hauek izango dira zergadunaren ordezeko subjektu pasiboak:

a) Zerbitzuek edo jarduerak etxebizitzaren edo lokalen erabiltzaileei onura edo eragina ekartzen badiete, horiengatik ordaindu beharreko tasetan, ondasun higiezin horien jabeak. Horiek, hala badagokio, dagozkien onuradunei ordainarazi ahalko dizkiete kuotak.

b) Arriskua aseguratzen duten entitate edo sozietateak, zerbitzu hauen tasetan: suteen prebentzioa eta itzaltzea; aurri, eraikuntza eta eraisketen prebentzioa, salbamenduak eta, oro har, pertsona eta ondasunak babestea eta zerbitzua mantentzea.

c) Hirigintza baimenen tasetan, hau da, lurrari eta hirigintza antolamenduari buruzko arautegian xedatutakoetan, eraikitzaileak eta obren kontratistak.

5. artikulua

Hauek ordaindu beharko dituzte tasak:

a) Egindako zerbitzuak edo jarduerak gizabanakoek eskatzen badituzte, eskatu dituztenek.

b) Egindako zerbitzuak edo jarduerak partikularrek eskatu ez badituzte, baina horiek egindako edo ez egindako zerbitzuetatik burutu behar izan badira, egindakoaren edo ez egindakoaren eragileek.

6. artikulua

Ordenantza honetatik ateratzen diren zerga zorrak, subjektu pasiboarekin batera, eranskinen ageri dira tarifak aplikatzeko arauetan aipatzen diren pertsonak ordaindu beharko dituzte.

IV. Salbuespenak, murrizketak eta hobariak

7. artikulua

Aplikatu beharreko xedapen orokorren eta ordenantza honen eranskinen mende egongo da salbuespenak, murrizketak, hobariak eta bestelako zerga onurak ematea.

V. Zerga oinarria

8. artikulua

Zerga oinarria da zerbitzua gauzatzen den unitateetako bakoitza, dagokion tarifak dioen moduan.

VI. Kuota

9. artikulua

1. Zerga kuota zehazteko, aurreko artikuluari darion oinarriari, eranskinetako tarifetan dagokiona gehituko zaio, tarifa aplikatzeko arauen arabera.

VII. Sortzapena eta zergaldia

10. artikulua

1. Tasaren sortzapena zerbitzua ematen edo jarduera egiten hasten denean sortzen da; hala ere, zenbateko osoaren edo zati baten gordailua eska daiteke.

VIII. Likidazioa eta diru sarrera

11. artikulua

Kontzeptu bakoitzarengatik egin beharreko likidazioa Burgeluko udal administrazioak egingo du, eta likidatutakoa dirutan ordainduko da, ordainarazpen bakoitzerako tarifetan dauden arauen arabera.

Hala ere, tasak autolikidazioaren bidez ordaintzeko ere eskatu ahalko da.

IX. Tasen kudeaketa

12. artikulua

Ordenantza honek araututako tasen likidazio, bilketa eta ikuskatzearen gaineko guztian, eta zergen arau hausteen kalifikazioari eta dagozkien zehapenak zehaztearen gaineko guztian, Arabako Lurralde Historikoaren Zergei buruzko Foru Arau Orokorrean xedatutakoa aplikatuko da.

ORDENANTZAREN ERANSKINAK**1. eranskina. Hirigintza baimenak emateko jarduerak****1. Helburua:**

Hona tasaren xedea: eraikuntza jarduerak edo lurraren erabilera egiaztatzeko udalak burutu behar dituen egintzak, tekniko edo administratiboak, eta/edo aldeztatik udal baimena lortu beharra duten jardueren baimenak egiaztatzekoak, hirigintzari buruzko lege eta arauetan, eraikuntza ordenantzetan eta eraikuntza, obra eta lurraren erabileraren alorrean ezar daitezkeen gainerako xedapenetan ezarritakoaren arabera, baldin eta Eraikuntza, Instalazio eta Obren gaineko Udal Zerga nahitaez ordaindu beharra ez badakar.

2. Tarifak:

Hauek izango dira:

A) Obra baimenak:	
Obra baimenak ematea zehaztutako aplikazio kasuetan, iraungitze espedienteen ondoren.	EIOZen zenbatekoaren ehuneko 15.
B) Lurzatiketak, finka banantzeak eta elkartzeak, berriro lurzatzitzeko, konpentsazioko eta bestelako proiektuak bame:	
1.000 metro koadro edo gutxiago: (metro koadroko)	0,03 euro
Soberakinagatik, 1.000 metro koadro baino gehiago eta 10.000 metro koadro arte: (metro koadroko)	0,02 euro
10.000 metro koadro baino gehiago: (metro koadroko)	0,01 euro
C) Lokalak eta eraikinak ikuskatzea:	
Eskatzen duenaren proposamenez, salaketarik izan gabe	31,10 euro
D) Hirigintza zedulak, ziurtagiriak eta txostenak ematea:	
Hirigintzako zedula	31,10 euro
Irizpena eman beharra dakarten ziurtagiriak eta txostenak	31,10 euro

E) Titulartasun aldaketa

Aldaketa eragiten duen negozio juridikoak eraikuntza, instalazio eta obren gaineko zergen likidatutako eskubideen ehuneko 5 ordainduko da.

F) Baimenen luzapenak

Likidatutako eskubideen eta tasen ehuneko 5 ordainduko da (6,01 euro gutxienez). Tasa ofizioz kitatuko da obra egiteko epea bukatutakoan, nahiz eta interesdunak luzapenik eskatu ez, baldin eta hirigintza legeek lizentzia luzatzea ahalbidetzen badute.

G) Lehenbizikoz okupatzeko baimenak eta bestelako baimenak

Eraikuntza, instalazio eta obren gaineko zergen likidatutako eskubideen ehuneko 2 ordainduko da.

3. Aplikazio arauak:

— Baimena eskatzen den unean sortuko da tasa ordaintzeko beharra edo, nahiz eta ez eskatu, ordenantza honetan deskribatutako tarifak ordaindu beharra dakarten egitateak gertatzen direnean.

— Obra eta instalazio baimenak emateko tasa sortuko da baldin eta, baimen baten iraungitasuna adierazteko ondorioa dakarren espediente egokia burutu eta gero, interesa duenak baimen berri bat eskatzen badu, helburu berarekin edo antzekoarekin. Obrek edo instalazioek sortutako EOZen behin-behineko likidazioaren ehuneko 15 ordainduko da baldin eta, indarrean dagoen planeamenduaren arabera izanik, baimen hori eman badaiteke, eta zuzendu egingo da zerga honen behin betiko likidazioa desberdin gertatuz gero.

2. Eranskina. Irekiera eta jarduera baimenak ematea

1. Helburua:

Tasa honen xedea izango da irekiera baimenak eman baino lehenagoko zerbitzu teknikoak eta administratiboak ematea edo aurretiazko jakinarazpenetan eta erantzukizunpeko aitortzean aitortutako betebeharrak egiaztatzea.

2. Tarifak:

1. Sailkatu gabeko jarduerak, jarduera sinplifikatu edo kaltegabearen aurretiko jakinarazpenarekin: 55 euro.

2. Sailkatutako jarduerak, aurretiazko jakinarazpena behar dutenak: 160 euro.

3. Sailkatutako jarduerak, jarduera baimena behar dutenak:

— 250 m²taraino: 270 euro.

— 250 m² baino gehiago, 500 m²taraino: 585 euro.

— 500 m² baino gehiago: 1.260 euro.

3. Aplikazio arauak:

1. Tasaren sortzapena lizentzia eskaera aurkezten denean gertatzen da edo, lizentziarik eskatu ezean, ondoko arauan aipatzen diren inguruabarretako bat gertatzen denean.

2. Ordainarazpen honen ondorioetarako, hauek izango dira irekitzeko baimena lortu beharra duten establezimendu edo instalazioak:

a) Hasierako instalazioak, bai eta merkataritza, industria edo zerbitzuetarako erabiltzen diren makinak edo beste elementuak jartze hutsa ere, nahiz eta berehala ez abiarazi, funtzionatu edo ireki.

b) Lokalez aldatzea.

c) Jarduera aldaketak, nahiz eta izena, titulartasuna edo lokala berbera izan.

d) Jarduera handitzea; horrelakotzat hartuko da jarduera ekonomikoen gaineko zergaren kuota igotzea, salbu eta igoerak zergak aldatu direlako gertatzen badira.

e) Lokalak handitzea.

3. Baimena eman ondoren establezimenduek beren jarduera aldatzen badute, egoera hauen arabera likidatuko da tasa:

— Jarduera berria dela eta jardueren gaineko zergan dagokion atala edo dibisioa aldatu behar bada, tarifa orokorrean ezarritakoari jarraituko zaio tasa zehazteko.

— Jarduera batek irekitzeko bi baimen lortu beharra badu, kopuru handieneko epigrafearen arabera ordainduko da.

4. Emateko erabakia hartuta, interesa dutenek espreski uko egin ahal izango diote baimenari. Horrela egitekotan, eskubidea izango dute ordaindutako tasaren ehuneko 80ren itzulketarako edo, hori ordaindu ez badute, likidazioaren ehuneko 20 ordaintzeko, uko egiten badiote hura eman dela jakinarazi eta hurrengo hogeita hamar egunen barruan, edo modu berean ehuneko

50 itzultzeko edo murrizteko, uko egiten badiote 30 egun horiek igarota baina ematearen jakinarazpenaren hurrengo hiru hilabeteren barruan.

5. Lizentzia eman ondoko hiru hiletan establezimendua edo lokala irekitzen ez bada, lizentzia eta beragatik ordaindutako tasa iraungitzat joko dira. Gauza bera gertatuko da ireki ondoren berriro ixten bada edo jarduera ekonomikoen gainerako zergan baja emanda badago sei hilabetez, ezinbesteko kasuetan izan ezik, hau da, ezinbesteko arrazoiengatik edo inguruabarrengatik establezimendua edo lokala itxi behar bada edo haren irekiera aipatutako aldia atzeratu behar bada.

6. Ez zaie kargarik ezarriko baimen eskualdaketei, baldin eta indarrean dauden arauetara egokitzeko baimena emateko prozedura izapidetu beharrik ez badute.

7. Tasa hau autolikidazioaren prozeduraren bidez bildu ahal izango da.

4. Hobariak:

Sortutako tasaren gainean ehuneko 50eko hobaria izango dute irabazteko xederik gabeko erakundeek, uztailaren 12ko 16/2004 Foru Arauan, irabazteko xederik gabeko erakundeen zerga araubideari eta mezenasgorako zerga pizgarriei buruzkoan, aurreikusitakoaren arabera, baldin eta lokala beren xede edo helburu espezifikoak betetz erabiltzen badute ustiaketa ekonomiko baterako.

Zerga onurak aplikatzeko eskaera, doakionak espresuki egin beharko du, eta harekin batera irabazteko xederik gabeko erakundea dela egiaztatzeko beharrezkoak diren agiriak aurkeztuko dira.

3. eranskina. Zaborrak eta hiri hondakin solidoak biltzeko zerbitzu publikoa

1. Helburua:

Tasa honen gaia da zaborrak biltzeko zerbitzua, horien garraioa eta baimendutako hondakindegietan tratatzea. Bai udalak zerbitzua zuzenean kudeatzen badu eta bai Aguraingo Kua-drillaren edo kontratistaren baten bidez ematen badu.

2. Tarifak:

KUOTA	EUROAK €
Etxebizitzak	50,00
Hiru izarreko jatetxe eta hotelak	1.262,49
Beheragoko mailetako jatetxe eta hotelak	946,25
Zerbitzuguneak, talde alojamenduak etab.	316,25
Bestelako merkataritza establezimenduak	190,00

3. Aplikazio arauak:

1. Izaera orokorrekoa eta nahitaezkoa da etxeko zaborrak biltzeko zerbitzua.

Honako hondakinak bildu, garraiatu, gorde eta deuseztatzea borondatezkoa da: lantegi eta tailerretako prozesu edo lantze industrialek sortutako hondakin solidoak; obra eta eraispenetatik ateratako hondakin eta lurrak; ospitale, klinika eta osasun zentroetako detrituak.

2. Hondakinak kudeatzeko zerbitzutik kanpo geratzen dira etxeetan tratatutako frakzio organikoak, baldin eta etxe horiek badaukate edukiontzi berezia, konposta egiteko ontzia edo gero ongarri modura erabiltzeko tratatzen uzten duen antzekorik. Era berean, kanpoan geratzen dira etxeetako frakzioak, baldin eta udal gaikako bilketan aurreikusitako frakzio bakoitzerako (papera eta kartoia, ontzi arinak eta beira) bilketa sistema berezia badaukate.

3. Ordaindu beharra sortzen da zerbitzua ematearekin; izan ere, izaera orokorrekoa eta nahitaezkoa izanik, ulertzen da erabili egiten dutela udalak zerbitzua antolatuta daukan eremuan dauden etxebizitza, lokal eta establezimenduen titular eta/edo erabiltzaileek.

4. Zerbitzu orokor eta nahitaezkoak emateagatik ordaindu beharreko kuotak ezin dira hainbanatu, ez eta murriztu ere; urte naturalaren lehen egunean joko dira sortutzat, baina udalak hiruhilekotan edo seiuhilekotan kobratu ahalko ditu honako berezitasunekin:

a) Zergaldiak urte naturalarekin bat egitea. Salbuespena izango da merkataritzako edo industriako jardueretan altak edo bajak egoten badira; horrelakoetan, zergaldia alta ematen den egunari dagokion hiruhilekoan hasiko da eta baja ematen den egunari dagokion hiruhilekoan amaituko.

b) Zergaldiaren lehen egunean sortuko da tasa.

c) Merkataritza edo industria jardueretan alta emanez gero, tasaren kuotaren zenbatekoa zehazteko, alta eman zeneko lehen hiruhilekotik urte amaierara arte, biak barne, dagokion zenbateko proportzionala hartuko da kontuan.

d) Jardueretan baja emanez gero, tasaren kuotaren zenbatekoa urteko lehen hiruhilekotik baja ematen den artekoa, biak barne, izango da.

e) Etxebizitzaren lehenengo okupazioan, merkataritza edo industria jarduerak hasteagatik altak ematen direnean bezala jokatuko da.

f) Etxebizitzaren titulartasuna aldatzen bada, jabea behartuta dago Burgeluko Udalari jakinaraztera eroslearen identifikazio datuak, kontuan hartuta, edonola ere, honen ordezkio izaera.

5. Zerbitzu orokor eta nahitaezkoak emateagatik tasa ordaindu behar duten pertsonak alta, baja eta aldaketa aitortzen aurkeztu beharko dizkiote udalari, hau da, tasa zuzen ezartzeko behar diren datuak eman beharko dizkiote, tasaren menpe dagoen etxebizitza, lokal edo establezimendua erosten den egunetik hasita hilabete epean, edo horri eragiten dion aldaketa gertatzen den egunetik hasita; horretarako udalak onartutako eredu erabili beharko da.

6. Salbuespenak. Burgeluko Udalen eta bere baitako administrazio batzarren higiezinak ez dute tasa hau ordaindu beharrik izango, zerbitzu publikorako eta beren gainerako helburuak betetzeko erabiltzen badira. Administrazio batzarren jabetzako etxebizitza edo negozio lokalen errentariak ez dira horretan sartzen.

7. Hobariak:

7.1-Tasaren ehuneko laurogeiko hobaria aplikatuko zaio ingurumenaren aldeko jokaera egiaztatzen duen eta tasaren titularra den pertsona eroldatu orori, aurreko 2. idatz zatian salbuetsitako frakzioei dagokienez.

7.1-1- Hobari honetaz baliatzeko, subjektu pasiboak aurkeztu beharko dute "Hiri hondakin solidoak kudeatzearekin loturiko zerbitzuak emateko tasako hobari eskaera" delako inprimakia.

7.1-2- Udaleko teknikariek ikuskaritza bisita egingo dute etxean, eta tasako hobariaren aldeko txostena egingo dute, hauexek egiaztatzen direnean:

— Hondakinen gaikako bereizketa (papera, beira, ontziak eta sukaldeko olioak) behar bezala egiten dela.

— Etxeko konpostajea egiten dela, hau da, materia organikoa etxean bertan tratatzen dela. Bermikonpostajea egiten bada, egiaztatu egingo da bertan sartzen direla sukaldeko landare hondakin guztiak. Lorategiko konpostajea egiten bada, egiaztatuko da lorategiko zein sukaldeko hondakinak jartzen direla. Bi kasuetan ikusi beharko da konpostatze prozesu osoa (hondakin freskoak, usteltzen ari diren hondakinak eta konposta), baita ere hainbat mikroorganismo daukela.

7.1-3- Hobari hori eskuratzeko eskaera ekitaldi bakoitzeko ekainaren 15a baino lehen aurkeztu beharko da.

7.2- Tasaren ehuneko hogeita hamarreko hobaria aplikatuko zaio tasaren titularra den pertsona errolatu orori, baldin eta alta ematen badu Burgeluko Udalak sustatzen duen auzo konpostaje sisteman.

7.2-1 Hobari honetaz baliatzeko, subjektu pasiboek "Hiri hondakin solidoak-auzo konpostaje sistema kudeatzearekin loturiko zerbitzuak emateko tasaren hobari eskaera" delako inprimakia aurkeztu beharko dute.

— Auzo konpostajeko sisteman alta ematearen ondorioz, aurreko 7.1 idatz zatiko parame-troei jarraituz egin beharko da konpostajea, eta etxebizitzan sortzen diren hondakin organikoak Burgeluko biztanlegune bakoitzean dauden auzo konpostagailuetan utzi beharko dira.

— Eskatzaile guztiei emango zaie konpostagailuetara sartzeko giltzaren kopia bat, zeina zaindu eta behar bezala erabili beharko baitute, eta eremua ondo itxi beharko dute, zerbitzua erabili ondoren.

— Giltza entregatu ahalko zaio, eta beraz baimena eman auzo konpostajeko zerbitzua erabiltzeko, hura eskatzen duen pertsona orori, nahiz eta ez bete tasa honen hobaria lortzeko baldintzak.

Era berean, hobari honetaz baliatu ahalko dira jendeari jatetxe zerbitzua, besteak beste, ematen dioten ostalaritza establezimenduak edo auzo ostatuak, baldin eta hitzematzen badute hondakin organikoak utziko dituztela enpresa horientzat berariaz gaitutako edukiontzi batean.

Baldin eta altak eta bajak ekitaldiaren barruan gertatzen badira, tasa honen hobariaren bi kasuetarako, likidazioa egingo da hobaria hainbanatuta eroldan alta emanda egon izanaren urteko egunen arabera, edo enpresen kasuan, JEZeant alta emanda egon izanaren arabera, baldin eta egiaztatzen bada benetan egin direla konpostaje lanak.

4. eranskina. Fotokopiak eta antzekoak egitea

1. Aplikazio arauak:

1. Tasaren gaia da agirien eta antzekoen fotokopiak eta kopiak egitea, interesdunek eskatuta.

2. Zerbitzua emateko eskatzen den unean sortuko da ordaindu beharra. Emateko eskatzen denean ordainduko da zerbitzua, eta autolikidazioaren bidez bilduko da.

3. Zerbitzua ematea eskatzen duten pertsona fisiko edo juridikoek ordaindu beharko dute, eta zerbitzuaren gaia ez da entregatuko horren ordainetan ezarritako tasa ez bada ordaintzen.

4. Honako hauek ez dute tasa ordaindu beharko: Administrazio publikoek oro har, erakunde ofizialek eta Botere Judizialeko organoek.

5. Prezio horiei BEZaren tasa egokia aplikatuko zaie.

2. Tarifak:

	ARRUNTA/ EUROAK	MURRIZTUA/ EUROAK	HANDITUA/ EUROAK
* DIN A4 fotokopia bakoitzeko (gutxienez 5)	0,15	0,18	0,18
* DIN A3 fotokopiako	0,60	0,60	0,60
* DIN A3 baino tamaina handiagoko fotokopiak izan eta proiektu eta agiriak makina berezirik behar izanez gero, kopiagintzako merkataritza establezimenduak Udalari egiten dion fakturaren ehuneko 110.			

5. eranskina. Kultura eta kirol zerbitzuak**1. Helburua:**

Tasa honen gaia da Burgeluko Udalak programatutako kultura eta kirol jardueretan parte hartzea eta inskribatzea.

2. Tarifak:**Kultura zerbitzuak****1. Lantegiak:**

	ERROLDATUAK	ERROLDATU GABEAK
1 h/ astea (urteko kuota)	66 euro	89 euro
1 h 30 min/ astea (urteko kuota)	67 euro	90 euro
2 h/ astea (urteko kuota)	82 euro	102 euro
2 h 30 min/ astea (urteko kuota)	91 euro	113 euro
3 h/ astea (urteko kuota)	94 euro	136 euro

2. Irteerak eta txangoak:

Jarduera horietan parte hartzen dutenek guztirako gastuen ehuneko hauek hartu beharko dituzte beren gain:

	ERROLDATUAK	ERROLDATU GABEAK
18 urte baino gutxiagokoak	Guztirako gastuaren ehuneko 75	ehuneko 100
18 urtetik gorakoak	ehuneko 90	ehuneko 100

— Prezio hauek garraioari dagozkio; hau da, sortzen diren gainerako gastu guztiak parte hartzaileen kontura izango dira, ondoren ezartzen diren salbuespenekin:

* Udalak jarduera bertan behera utz dezake ez bada betetzen eskaintako plazen ehuneko 50a.

* Prezio hauek ez zaizkio aplikatuko ostatua barnean duten bidaiei.

3. Monografikoak:

	ERROLDATUAK	ERROLDATU GABEAK
Iraupena 20-40 ordu	55 euro	71 euro
Iraupena 10-20 ordu	37 euro	49 euro
Iraupena 0-10 ordu	20 euro	26 euro

4. Ludoteka:

Erroldatuak	18 euro
Erroldatu gabeak	24 euro
Bazkide txartelik gabe erabiliz	1 euro

Kirol zerbitzuak

1. Ikastaroak:

	ERROLDATUAK	ERROLDATU GABEAK
1 h/ astea (urteko kuota)	66 euro	89 euro
2 h/ astea (urteko kuota)	82 euro	102 euro
3 h/ astea (urteko kuota)	94 euro	136 euro

2. Txangoak elurretara:

Jarduera horietan parte hartzen dutenek guztirako gastuen ehuneko hauek hartu beharko dituzte beren gain:

Erroldatuak	Forfait-aren ehuneko 100 + joan-etorriaren ehuneko 60
Erroldatu gabeak	ehuneko 100

3. Aparteko kirol jarduerak edo noizean behingo ikastaroak:

Jarduera horietan parte hartzen dutenek guztirako gastuen ehuneko hauek hartu beharko dituzte beren gain:

	ERROLDATUAK	ERROLDATU GABEAK
18 urtetik beherakoak	ehuneko 75	ehuneko 100
18 urtetik gorakoak	ehuneko 90	ehuneko 100

4. Landederra kiroldegia:

	ERROLDATUAK	ERROLDATU GABEAK
1h / kantxa osoa	11 euro	15 euro
1h/pilotalekua (argirik gabe)	5 euro	8 euro
10 saioko bonua, kantxa (argirik gabe)	88 euro	120 euro
10 saioko bonua, pilotalekua (argirik gabe)	40 euro	64 euro
Badminton pista (argirik gabe)	2,5 euro	4,5 euro
10 saioko bonua, badminton pista (argirik gabe)	20 euro	36 euro
30 minutu/argia (30 minututik aurrera, 1 ordu kobratzen da)	1,50 euro	1,50 euro
Argiaren kostua orduko	3 euro	3 euro
Argiaren kostua orduko, kantxan bi talde edo gehiago batera ari direnean.	3 euro	3 euro
Argi linea bakarraren kostua	1 euro	1 euro

Muskulazio aretoko makinaren erabilera:

	ERROLDATUAK	ERROLDATU GABEAK
Eguneko erabilera	4 euro	5 euro
Hilabeteko erabilera	16 euro	23 euro
Hiru hilabete (helduak)	22 euro	29 euro
Hiru hilabete (<18 urte eta langabetuak)	12 euro	16 euro
10 saiotarako bonua	24 euro	40 euro

Rokodromoa:

EGUN BATERAKO SARRERAK	ERROLDATUAK	ERROLDATU GABEAK
18 urtetik beherakoak	1,50 euro	2 euro
18 urtetik gorakoak	2,50 euro	3,50 euro

ALDI BATERAKO HILABETEKO BONUA	ERROLDATUAK	ERROLDATU GABEAK
18 urtetik beherakoak	4 euro	6 euro
18 urtetik gorakoak	12 euro	16 euro

ALDI BATERAKO HIRU HILEKO BONUA	ERROLDATUAK	ERROLDATU GABEAK
18 urtetik beherakoak	9 euro	15 euro
18 urtetik gorakoak	34 euro	47 euro

Hiru hilabeteko ordainketak aldi hauetarako dira: urtarrila-otsaila-martxoa, apirila-maiatza-ekaina, uztaila-abuztua-iraila, urria-azaroa-abendua.

URTEKO BONUA (URTARRILAREN 1ETIK ABENDUAREN 31RA)	ERROLDATUAK	ERROLDATU GABEAK
18 urtetik beherakoak	29 euro	41 euro
18 urtetik gorakoak	94 euro	129 euro

MATERIALAREN ALOKAIRUA	ERROLDATUAK	ERROLDATU GABEAK
Arnesa	1,50 euro	2 euro
Girgilua	1,50 euro	2 euro

Aplikazio arauak

Ordainketak honela egingo dira:

a) Emandako zerbitzuen edo egindako jardueren kasuan, zuzenean egin beharko da diru sarrera udal kutxan, edo bestela erabiltzaileak banketxe batean helbideratuta, betiere zerbitzua edo jarduera jaso aurretik eta behar den zenbatekoan.

b) Rokodromoko, muskulazio aretoko eta kantxako tarifak zuzenean ordaindu behar zaizkio kiroldegiares arduradunari.

c) Ludotekako tarifa, bazkide txartelik gabe erabiltzeko, instalazioaren arduradunari ordaindu behar zaio.

d) Urtero berrituko dira prezioak, kontsumoko prezioen indizearen igoeraren arabera eguneratuta.

Hobariak

Landederra kiroldegiko kontzeptuengatik tasaren ehuneko 100erainoko hobaria jaso ahal izango dute interes publikoko arrazoiengatik udalarekin hitzarmena sinatu duten entitateek, elkarteek eta klubek, kasu bakoitzean zehazten den moduan.

Azken xedapena

Zerga ordenantza hau ALHAOn argitaratzen den egunean jarriko da indarrean, egun horretatik aurrera aplikatuko da, edo, aldia urtebetekoa izanez gero, hurrengo urteko urtarrilaren batetik aurrera, eta indarrean jarraituko du espreski aldatzea edo indargabetzea erabakitzen den arte.

Zerga ordenantza aldatzeko behin betiko erabaki honen aurka, interesdunek administrazioarekiko auzi errekurtoa jarri ahal izango dute, Euskal Autonomia Erkidegoko Justizia Auzitegi Nagusiko jurisdikzio horretako salan, bi hilabeteko epean, iragarki hau ALHAOn argitaratu eta biharamunetik hasita.

Burgelu, 2019ko azaroaren 26a

Alkatea

NATIVIDAD LÓPEZ DE MUNAIN ALZOLA